



2^{da} SESSIONE STRASURDINARIA DI U 2025
22 È 23 DI MAGHJU DI U 2025

2^{ÈME} SESSION EXTRAORDINAIRE DE 2025
22 ET 23 MAI 2025

N° 2025/E2/026

**Question orale déposée par M Don Joseph LUCCIONI
au nom du groupe « Fà Populu Inseme »**

OBJET : INTELLEGHJENZA ARTIFICIALI : INTEGRAZIONI È SPRAGHJERA À A CULLETTIVITÀ DI CORSICA.

O Sgiò Presidenti di u Cunsigliu esecutivu,

U sviluppu di l'intellighenza artificiali hè una sfida tamanta di u nosciu seculu chì si poni à l'Umanità sana.

Trà upportunità è minacci, issa revuluzioni ùn hè micca sola tecnologica o numerica : intarrugheghja u raportu di l'Omu à a tecnica è à sè stessu.

À liveddu soiu, a Corsica pò purtà a so petra à issa transizioni maiò.

In l'intellighenza artificiali in particolari com'è in l'assestu numericu in ghjenerali, u nosciu Paesi ùn hà micca à pata di u fattu isulanu.

L'IA presenta tandu upportunità sicuri di criscenza economica è d'innuvazioni, in u settori privatu quant'è in u publicu.

Unipochi d'impresi corsi travagliani nantu à issa transizioni numerica è si ghjovani dighjà di strumenti ufferti da l'intellighenza artificiali.

A Cullettività di Corsica è l'insemi di a putenza publica ùn poni essa scantati da issu movimentu glubali.

Sò troppu impurtanti l'imbuschi : centru di dati, mudernizzazioni di l'azzioni publica, uttimizzazioni di i servizii publichi, mentinimentu di l'equilibriu suciali, mezu di trasformazioni, prisenza di a lingua corsa...

Custruiscia un'intellighjenza artificiali à prò di l'amministrazioni, di l'agenti di a Cullettività di Corsica è soprattutto di u Populu corsu, ci pari essa quissu u scopu à rializà, a transizioni à riescia.

O Sgiò Presidenti di u Cunsigliu esecutivu, pudariati fà un puntu à a noscia Assemblea nantu à l'integrazioni è a sparghjera di l'intellighjenza artificiali à a Cullettività di Corsica ?